

光緒乙未重修

虞城縣志

世德堂藏板

虞城縣志目錄

卷之一

圖考

沿革

星野

疆域

形勝

城池

卷之二

山川

村市

堤溝

古蹟

風俗

物產

地丁

驛站

橋梁

卷之三

公署

學校

廟祀

郵政

卷之四

職官

名宦

卷之五

選舉

徵辟
例監

進士
武科

舉人
武職

貢生
恩封

例貢
恩蔭

卷之六

人物

名臣
賓飲

忠烈
敬老錄

孝子

義行

流寓

卷之七

列女

節婦

烈婦

烈女

孝婦

賢母

卷之八

藝文

勅命

疏

頌

序

記

卷之九

藝文

書

說

誌銘

傳

議

攷

錄

牒

詩

卷之十

雜志

風俗

從來習俗移人。雖賢智者不能不與之俱化。賈子曰。移風易俗。使天下回心而向道。可謂難矣。虞城習尚。類皆醇厚。士大夫守禮法。重名義。以朴質爲規。以輕佻爲戒。歲時所行禮俗。相沿皆。有古者親睦之遺意焉。蓋薰蒸濡染其所由來者遠矣。詳之以脩輶軒之採。不又多乎哉。志風俗。

人有言曰。虞之爲言樂也。言舉天下而康樂之。

也。舜之治，鮮愠阜財，生於其世者，亦云樂矣。國號曰虞，有以也。商均封國，仍以虞名，至今數千年，尚因其舊，居斯土者，顧名思義，則古聖人之遺風，猶可想見焉。

按虞城，豫州之域，豫之爲言舒也。言其稟平和之氣，性理寬舒也。

出周禮註

周封微子於宋，虞城屬之。宋承堯湯後，有先王遺風，重厚多君子，好稼穡，惡衣食，以致蓄藏。

書地志

漢以來虞城屬於梁梁郡梁孝之故都奢僻傲
蕩舊傳其風今則好尚稼穡重於禮文俗皆變

於古

出隋書
地理志

宋王仲敷南郡賦云觀其英豪之氣冠蓋相望

元勲雋老五姓實昌

五姓謂杜正獻趙康靖王
文忠蔡敏肅張文正五族

也王趙二公
居在虞城

自明以來人文丕變士敦禮義民尚廉耻有朴
厚之風冠禮久廢婚禮問名納采及親迎如家
禮所定貧弗能娶者親友亦相爲助又有因喪

而納婦者名曰扶婦知禮者羣以爲戒喪禮復
歛殯葬如儀舊習作佛事今漸革矣祭禮祖先
隨時隨事祭告其鄉村鎮店各有神祠春秋祈
報大抵虞俗崇朴黜華風猶近古士大夫好蒔
花竹喜宴會亦不至侈蕩無節若夫四時令序
俗尙相沿則又有不必盡廢者矣

春正月元日五鼓時祀神祀先畢相聚羅食號
曰填倉平明家衆以次拜長後出親朋相賀五
六日方已七日有火星廟會

立春先日迎春東郊閭邑聚觀次日擊牛競土
泥竈啖蘿蔔曰咬春

上元日黃昏祀神祀先畢親友宴會賞燈放花
竟夜乃止

十六日男子過橋母家迎女號曰走百病

十七日民間夜禁燈以便鼠嫁

二月二日用油煎餅啖之及灑灰圍門以避毒
蟲

春社日鄉民具禮祈答上帝

三月三日民間有會致祀元帝越三日方止

清明日男女帶柳日中墓祭覆土是日士夫多相邀散步郊外或携盒酒小飲名曰踏青

二十八日東嶽廟焚香

穀雨書呪畫像帖於壁柱用除蝎毒

四月八日寺僧誦經慶佛誕

五月五日闔家插艾食角黍飲菖蒲採百草合藥迎女追節小兒雄黃抹耳赤縷繫頸繫足

夏至日觀風以驗旱澇

六月六日暴衣合醬

七月七夕人間乞巧

中元日謁祖墓祭掃

秋社日十四鄉各有里社之祭

八月十五日迎月設酒親朋宴會名爲賞月

九月九日設宴賞菊製糕

十月一日民間焚紙衣墓祭曰送寒衣鄉村共具牲醴報賽方社同享祭餘至晚散

冬至民間墓祭

十二月八日食臘八粥釀臘脚醋小兒剃頭

二十三日晝掃舍夜祀竈

除夕日易門神桃符春聯懸長錢紙陳祀儀焚
木守歲舉炮祛邪橫一木名曰跌千斤民多嫁
娶謂無禁忌

物產

從來萬寶皆生于土故王政之要在于農桑畜牧誠以地之所產所以供民食而資民用也彼土宜之辨見于周禮市價之納詳于王制所關非淺鮮矣虞地濱河本土所宜無甚奇產王者不貴異物布帛菽粟苟裨於民生食用地不愛寶于斯重焉若夫樽節愛養毋爲暴殄以令取之不竭又責在于人矣志物產

穀類

黍 稷 稻 穀 大麥 小麥 蕎麥

黑豆 藁豆 黃豆 白豆 紅豆 茶豆

豌豆 芝蔴 葛林 小豆 黎豆 青豆

豇豆

繭類

絲 綿 絮 綿花

泉類

線麻 纈麻

木類

桑·槐·榆·柳·椿·棟·青楊·白楊·
松·梧桐·荆·糖·栢·

草類

蘆·葦·莠·稗·莎·茅·

果類

桃·李·杏·棗·榴·柿·梨·梅·奈·
沙果·蘋果·葡萄·蓮房·櫻桃·核桃·
西瓜·甜瓜·

花類

雞冠 萱草 葵 菊 月季 玉簪

剪紅羅 薔薇 海棠 牡丹 芍藥

木槿 石竹 芙蓉 紫荊 迎春 地棠

紫蝴蝶 轉枝蓮 鳳仙 十樣錦 百日紅

蔬類

芥 茄 薺 葱 蒜 韭 藕 蘿蔔

白莧 菠菜 萵苣 芫荽 冬瓜 王瓜

梢瓜 南瓜 絲瓜 葫蘆 薯蕷

藥類

槐角子 車前子 香附子 蛇床子

枸杞子 桑白皮 蒔蘿 艾 小茴香

南星

羽類

鵝 鴨 雞 鴿 鵲 鳩 燕 黃鸝

鶉 鴉 鵲 鴈 鷺 鷺 鴛 鴦 水鴨

梟 鳬

毛類

牛 羊 馬 騾 驢 豕 犬 兔 猫